

აჭარის ავტონომიური რესპუბლიკის
უმაღლესი საარჩევნო კომისიის სხდომის

ოქმი №26

11 ნოემბერი 2016 წელი

ქ. ბათუმი
12⁰⁰ საათი.

სხდომას თავმჯდომარეობდა უმაღლესი საარჩევნო კომისიის თავმჯდომარე პარმენ ჯალალონია.

სხდომას ესწრებოდნენ: გუგული დუაძე, სოფიო კახაძე, ზურაბ გოლიაძე, რამაზ გოლომანიძე, თორნიკე მჟავანაძე, მაკა ლომაძე, შორენა ჭაღალიძე, ირაკლი გვარამია, მამუკა კოპალეიშვილი და ნუგზარ ბაჯელიძე.

არ ესწრებოდნენ: კახაბერ ჯაიანი და მამუკა ჯაში.

აგრეთვე ესწრებოდნენ: უმაღლეს საარჩევნო კომისიაში რეგისტრირებული მასმედიის წარმომადგენლები.

მოსმინეს: სხდომის თავმჯდომარემ, პარმენ ჯალალონიამ, სხდომა გახსნილად გამოაცხადა, კომისიის წევრებს გააცნო დღის წესრიგის პროექტი.

დღის წესრიგის პროექტი:

1. დადგენილება

ზოგიერთი საარჩევნო პროცედურის განსაზღვრის შესახებ;

2. სხვადასხვა.

აზრი გამოთქვას: კომისიის წევრებს შენიშვნები არ გამოუთქვამთ.

სხდომის თავმჯდომარემ, პარმენ ჯალალონიამ კენჭისყრაზე დააყენა წინადადება დღის წესრიგის წარმოდგენილი პროექტის დამტკიცების შესახებ.

კენჭისყრის შედეგები:

მომხრე 11;

წინააღმდეგი 0;

(კენჭისყრას ესწრებოდა კომისიის 11 წევრი:)

დღის წესრიგი დამტკიცდა შემდეგი სახით:

1. დადგენილება

ზოგიერთი საარჩევნო პროცედურის განსაზღვრის შესახებ.

2. სხვადასხვა.

1. დადგენილება

ზოგიერთი საარჩევნო პროცედურის განსაზღვრის შესახებ.

მოისმინეს:

სხდომის თავმჯდომარემ, პარმენ ჯალაღონიამ კომისიის წევრებს გააცნო „ზოგიერთი საარჩევნო პროცედურის განსაზღვრის შესახებ“ დადგენილების პროექტი და აღნიშნა, რომ ვინაიდან „აჭარის ავტონომიური რესპუბლიკის უმაღლესი საბჭოს არჩევნების შესახებ“ კანონით არ არის გათვალისწინებული კვალიფიციური საარჩევნო სუბიექტის წარმომადგენლის დაფინანსების წესი და ოდენობა უსკოს მიერ შემუშავებული იქნა დადგენილების პროექტი, რომლის თანახმადაც, თუ ცალკე ჩატარდება უმაღლესი საბჭოს არჩევნები, კვალიფიციური საარჩევნო სუბიექტების წარმომადგენლები დაფინანსდებიან, აჭარის ავტონომიური რესპუბლიკის ბიუჯეტიდან უმაღლესი საბჭოს არჩევნებისათვის გამოყოფილი ფულადი სახსრებიდან, საარჩევნო კოდექსის 43-ე მუხლით დადგენილი წესითა და ოდენობით. ასევე აღნიშნა, რომ დადგენილების პროექტის მე-3 მუხლი ვრცელდება იმ კვალიფიციური საარჩევნო სუბიექტების წარმომადგენლებზე, რომლებიც დანიშნული იყვნენ იმ მაჟორიტარულ საარჩევნო ოლქში შემავალ ოლქებსა და უბნებზე, სადაც გაიმართა მხოლოდ აჭარის ავტონომიური რესპუბლიკის უმაღლესი საბჭოს 2016 წლის 8 ოქტომბრის მაჟორიტარული საარჩევნო სისტემით არჩევნების მეორე ტური.

აზრი გამოთქვას:

კომისიის წევრებს შენიშვნები არ გამოუთქვამთ.

სხდომის თავმჯდომარემ პარმენ ჯალაღონიამ კენჭისყრაზე დააყენა წინადადება, „ზოგიერთი

საარჩევნო პროცედურის განსაზღვრის შესახებ“
დადგენილების პროექტის დამტკიცების შესახებ.

კენჭისყრის შედეგები:

მომხრე 11;

წინააღმდეგი 0;

(კენჭისყრას ესწრებოდა კომისიის 11 წევრი:)

დადგენილება მიღებულია:

საქართველოს ორგანული კანონის „საქართველოს საარჩევნო კოდექსი“-ს 43-ე მუხლის, „ნორმატიული აქტების შესახებ“ საქართველოს კანონის 24-ე მუხლის პირველი პუნქტის, „აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის მე-10 მუხლის პირველი პუნქტის, მე-15 მუხლის მე-3 პუნქტის, 29-ე მუხლის მე-2 პუნქტის და 73-ე მუხლის მე-5 პუნქტის შესაბამისად, უმაღლესი საარჩევნო კომისია ადგენს:

მუხლი 1. იმ შემთხვევაში თუ ერთდროულად არ ტარდება საქართველოს ორგანული კანონით „საქართველოს საარჩევნო კოდექსი“ განსაზღვრული საერთო და უმაღლესი საბჭოს არჩევნები, კვალიფიციური საარჩევნო სუბიექტების წარმომადგენლები ფინანსდებიან, აჭარის ავტონომიური რესპუბლიკის ბიუჯეტიდან უმაღლესი საბჭოს არჩევნებისათვის გამოყოფილი ფულადი სახსრებიდან, საქართველოს საარჩევნო კოდექსის 43-ე მუხლით დადგენილი წესითა და ოდენობით.

მუხლი 2. თუ დაფინანსების მქონე პოლიტიკურ პარტიას არ ეყოლება წარმომადგენელი საარჩევნო ოლქში ან/და საარჩევნო უბანში ან/და არ მოხდა თანხის სრულად ათვისება, პარტია ვალდებულია არჩევნების შედეგების შეჯამებიდან 15 დღის ვადაში უზრუნველყოს შესაბამისი თანხის აჭარის ავტონომიური რესპუბლიკის რესპუბლიკურ ბიუჯეტში დაბრუნება.

მუხლის 3. ეს დადგენილება ასევე ვრცელდება იმ კვალიფიციური საარჩევნო სუბიექტების წარმომადგენლებზე, რომლებიც დანიშნული იყვნენ იმ მაჟორიტარულ საარჩევნო ოლქში შემავალ ოლქებსა და უბნებზე, სადაც გაიმართა მხოლოდ აჭარის ავტონომიური რესპუბლიკის უმაღლესი საბჭოს 2016 წლის 8 ოქტომბრის მაჟორიტარული საარჩევნო სისტემით არჩევნების მეორე ტური (2016 წლის 30 ოქტომბერი).

მუხლი 4. ამ დადგენილების მე-3 მუხლით გათვალისწინებული კვალიფიციური საარჩევნო სუბიექტის წარმომადგენლის დაფინანსების თანხას, აჭარის ავტონომიური რესპუბლიკის უმაღლესი საარჩევნო კომისია შესაბამისი საარჩევნო სუბიექტის ანგარიშზე ჩარიცხავს, ასეთი სუბიექტების მიერ ანგარიშის წარმოდგენიდან არაუგვიანეს 5 დღისა.

მუხლი 5. ამ დადგენილების შესრულების უზრუნველყოფა დაევალოს აჭარის ავტონომიური რესპუბლიკის უმაღლესი საარჩევნო კომისიის აპარატის ეკონომიკურ სამსახურს.

მუხლი 6. ეს დადგენილება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი მიღებიდან 2 (ორი) კალენდარული დღის ვადაში.

მუხლი 7. ეს დადგენილება ამოქმედდეს გამოქვეყნებისთანავე.

სხდომაზე სხვა განსახილველი საკითხები არ წამოჭრილა.

სხდომის თავმჯდომარემ, პარმენ ჯალალონიამ, სხდომა დახურულად გამოაცხადა.

კომისიის თავმჯდომარე

პარმენ ჯალალონია

კომისიის მდივანი

სოფიო კახაძე